


## «Uzbekistan GTL»:

# МИЛЛАТ ҚАДДИ ВА ҚАДРИГА ДАХЛДОР ГИГАНТ МАЖМУА



### Кун нафаси

Президент Шавкат Мирзиёев раислигида 28 январь кун таълимни ривожлантириш масалалари бўйича видеоселектор йиғилиши ўтказилди. \*\*\*




Давлатимиз раҳбари «Аҳолининг ижтимоий ҳимояга муҳтож тоифаларини моддий қўллаб-қувватлаш тизimini янада такомиллаштириш тўғрисида»ги Фармонга имзо чекиди. \*\*\*

Ўзбекистон Республикаси ташқи ишлар вазири Абдулазиз Комилов Саудия Арабистони Подшоҳлигининг мамлакатимиздаги Фавқуллода ва мухтор элчиси Юсуф ал-Утайбийни қабул қилди. \*\*\*

Ўзбекистон Республикаси Бош вазири ўринбосари – иқтисодий тараққийёт ва камбағалликни қисқартириш вазири Жамшид Қўчқоров раислигида 28 январь кун Шанхай Ҳамкорлик Ташкилотига аъзо давлатлар вазирилик ва идоралари раҳбарларининг камбағалликни қисқартириш масалалари юзасидан онлайн учрашуви ташкил этилди. \*\*\*

Ўзбекистон Республикаси Президентининг Афғонистон бўйича Махсус вакили Исмаилов Иргашев Париж шаҳрида Франция Республикаси Европа масалалари ва ташқи ишлар вазири Осие ва Океания департаменти директори Бертран Лортолари билан учрашди. \*\*\*



Миллий гвардия қўмондонини генерал-майор Р.Жўраев ва Хиндистон Миллий хавфсизлик гвардияси Бош директори М.Ганapati ўртасида онлайн видеомулоқот шаклида учрашув бўлиб ўтди. \*\*\*



Соғлиқни сақлаш вазири раислигида Франциянинг юртимиздаги Фавқуллода ва мухтор элчиси Аурелия Бушез хоним билан ўтказилган мулоқотда тиббиёт соҳасида ушбу мамлакат билан ҳамкорлик қилиш ва тажриба алмашиш масалалари муҳокама этилди. \*\*\*



«Ўзмиллибанк» АЖ Осие инфратузилмавий инвестициялар банки билан 200 млн. АҚШ долларлик келишув имзоладди. \*\*\*



Экология ва атроф-муҳитни муҳофаза қилиш давлат қўмитаси ташаббуси билан Тошкент шаҳрида экологик рейдга старт берилди. \*\*\*

Интернет хабарлари асосида тайёрланди

“ Бугун бафуржа ҳикоя қилмоқчи бўлганимиз Ўзбекистон энергетика соҳасидаги улкан ютуғимиз бўлмиш «Uzbekistan GTL» корхонаси ҳам мамлакат энергетика тармоғида ташкил этиладиган кластер тизимининг қалдирғочларидан бири бўлади. Бироқ, шундай деймизу, бу муваффақиятга қандай эришганимиз, нималарнинг, қандай меҳнату жасоратнинг эвазига ушбу завод бунёд бўлганини кўпам ўйлайвермаймиз. Ҳаммаси оддий, шундай бўлиши керакдай туюлади, кўпчилигимизга. Аслида ундай эмас. Чўлнинг қоқ марказида қад ростлаган ва бугун халқимизнинг фахрига, иқтисодиётимизнинг таянчига айланиши кутилаётган «Uzbekistan GTL»нинг дунёга келишини, ҳеч шубҳасиз, юксак ва метин сиёсий ирода маҳсули, дейиш мумкин. ”



Фото: Ўзбекистон Республикаси Президенти Матбуот хизмати

3, 4, 5, 6-саҳифаларда ўқинг


### Саҳифаларда ўқинг...



**БИРЛАШГАН ЎЗАР**  
ёхуд кооперация яратётган имкониятлар



**Солиқ ўзгаришлари: МУРАККАБ «ЎЙИН ҚОЙДАЛАРИ»**  
Ўзбекистондаги ишбилармонлик муҳитига қандай таъсир қилади?



**ИЖОДКОРЛАР ТАФАККУР БАҲСИДА**



Бухоро вилояти

## Ҳақли даъво

Мақсуда Камолова Вобкент туманидаги 38-умумтаълим мактабида 1997 йилдан 2021 йилга қадар котиба сифатида ишлаб келган. Бу даврда бирор марта меҳнат таътилида бўлмаган.



Ўтган йил август ойида пенсияга кузатилган бўлса-да, фойдаланилмаган асосий ва қўшимча меҳнат таътиллари учун компенсация тўловини тўлаб бериш ҳақида мактаб маъмурияти ўйлаб ҳам кўрмаган. Меҳнат кодексининг 151-моддасида меҳнат шартномаси бекор қилинганда ҳодимга фойдаланилмаган барча йиллик асосий ва қўшимча таътиллари учун пуллик компенсация тўлашни белгиланганига ҳам ҳеч қанча қотирмаган.

– Бир ташкилотда қарийб чорак аср умринг ўтса, меҳнат таътиллари исиласанг-да, нафақага чиқиш асноси ўз ҳақингни талаб қилиб, ҳам-манинг кўзига «бало»дек кўри-нишдан ёмони йўқ экан, – дейди Мақсуда Камолова.

Ўзбекистон қасаба уюшмалари Федерацияси Бухоро вилояти кенгашига мурожаат қилган Мақсуда опанинг даъвосини соҳа мутахассислари ҳар томонлама ўрганиб чиқди ва ҳақли талаб қаноатлантирилади-ган бўлди. Уртача ойлик иш ҳақидан келиб чиққан ҳолда пуллик компенсация тўлаб берилиши тўғрисида масъул ташкилотга кўрсатма берилди.



Фарғона вилояти

## Қасаба уюшмаси аралашган...

Мухторжон Турсунов Фарғона шаҳридаги «Шифо тез ёрдам» автохўжалик корхонасининг ҳайдовчиси. 2016 йилдан буён шу ерда ишлаб, беморлар саломатлигини асрашда ўзининг ҳиссасини қўшиб келмоқда. Вазифаси ҳам шифокорларники каби масъулиятли.



Дилдора ИБРОҲИМОВА, «ISHONCH»

## «ЭҲТИЁТСИЗЛИК ОҚИБАТИ»

### дея тавсифламоқчи эдилар...

...Оқшом пайти навбатдаги қақирув бўлди. Мухторжон ака ва шифокор кўрсатилган манзилга зудлик билан етиб келишди. Шифокорни беморнинг уйига тушириб, автоуловни йўналишга тўғрилаб олиш учун орқага юрди. Ён-атроф қоронғи бўлгани учун ҳеч қандай тўсиқ бор-йўқлигини кўриб олиш мақсадида машинадан тушди, оёғи тойиб, кавлаб қўйилган чуқурликка тушиб кетди. Рўй берган ҳодиса натижасида ўнг сон суяги синиб, шифохонга ётқизилди. Жарроҳлик амалиётини бошдан ўтказди.

Фарғона вилояти туманлараро тиббий меҳнат эксперт комиссияси (ТМЭК)нинг хулосасига асосан М.Турсуновга меҳнат қобилиятини 60 фоизга йўқотгани сабабли иккинчи гуруҳ ногиронлиги тайинланади.

Аммо иш берувчининг фуқаролик жавобгарлигини мажбурий суғурта қилган суғурта компанияси томонидан суғурта ҳодисаси деб тан олишга шошилмай, жабрланувчига нисбатан аралаш жавобгарликни қўллашга урингани сарсон-саргардонликни келтириб чиқаради. Бахтсиз ҳодиса М.Турсуновнинг эҳтиётсизлиги сабаб рўй берган, деган важ билан суғурта тўловларини тўлашдан бош тортилади. Бу хулосадан норози бўлган М.Турсунов ҳуқуқларини тиклашда амалий кўмак сўраб Ўзбекистон қасаба уюшмалари Федерацияси Фарғона вилояти кенгашига мурожаат қилди.

– Ушбу ҳолат ўрганиб чиқилди, – дейди Соғлиқни сақлаш ходимлари қасаба уюшмаси Республика кенгашининг Фарғона вилояти бўйича меҳнат инспектори Равшан Фозилов. – М.Турсуновнинг бахтсиз ҳодисага учраши, суғурта компанияси важ қилиб кўрсатганидек, эҳтиётсизлик эмас, балки туннинг қоронғилиги, ён-атрофни ёритувчи чироқларнинг йўқлиги сабаб бўлган. Суғурта компаниясининг жабрланувчига аралаш жавобгарликни қўллаш тўғрисидаги талаби инкор этилиб, «Суғурта ҳодисаси тўғрисидаги Далолатнома» расмийлаштирилди. Шундан сўнг М.Турсуновга 23 млн. 979 минг 869 сўм бир марталик нафақа пуллари тўлиқ ундириб берилди. Жабрланувчига меҳнат қобилиятини йўқотгани сабабли ҳар ойда 1 млн. 198 минг 993 сўмдан нафақа тўланиши белгиланди.

Жамшид ЭРГАШЕВ, «ISHONCH»













